

**ORDENANZA FISCAL NÚM. 114****TAXAS POLA PRESTACIÓN DO SERVIZO DE MERCADO****ARTIGO 1º. CONCEPTO E OBXECTO**

1. En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración local de Galicia, este Concello establece as Taxas pola prestación do servizo de mercado na presente ordenanza, as normas da cal atenden ó previsto nos artigos 20.4 e 57 do Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais.

1.2. Serán obxecto desta exacción:

- a) A concesión e traspaso de postos fixos na Praza de abastos, en todo o non regulado na normativa ditada polo Concello de Lugo ou rango superior.
- b) A concesión e traspaso de postos fixos interiores e exteriores no Mercado da rúa Quiroga Ballesteros.
- c) A de almacéns e cámaras frigoríficas na Praza de Abastos e Mercado de Quiroga Ballesteros.
- d) A ocupación temporal e/ou en réxime de cesión provisional de postos na Praza de Abastos e Mercado de Quiroga Ballesteros.
- e) A ocupación temporal ou en réxime de cesión provisional de almacéns e cámaras frigoríficas na Praza de Abastos e Mercado de Quiroga Ballesteros.
- f) Entrada de camións no Mercado e Praza de Abastos.
- g) Utilización dos espazos públicos do soto da Praza de Abastos e Mercado de Quiroga Ballesteros para a realización de actividades culturais, sociais, deportivas e recreativas así como para a celebración de Feiras e eventos de carácter comercial

**ARTIGO 2º. OBRIGADOS Ó PAGO**

1. A obrigaón de pago da taxa regulada nesta ordenanza fiscal nace dende que se presta o servizo.

2. Estarán obrigados ó pago as persoas naturais ou xurídicas ás que sexa outorgada a concesión ou licenza para ocupación de postos ou para o seu traspaso, así como as que utilicen calquera dos demais servizos suxeitos a taxa.

**ARTIGO 3º.**

1.- Tomarase como base de gravame:

- a) POSTOS

A localización, destino e superficie deles, así como calquera outra circunstancia que, a xuízo da Alcaldía, tras o informe do servizo, deba terse en conta.

**b) ALMACÉNS E CÁMARAS FRIGORÍFICAS:**

Metro cadrado de superficie/unidade.

**c) ENTRADA DE CAMIÓNS:**

O número de actos sometidos a gravame.

**d) AUTORIZACIÓN PROVISIONAL DE USO ALMACÉNS OU CÁMARAS:**

Metro cadrado de superficie/unidade.

**e) USO DE ESPAZOS PÚBLICOS DE PRAZA DE ABASTOS E MERCADO PARA ACTIVIDADES:**

Por día de ocupación.

**TARIFAS**
**PRAZA DE ABASTOS E MERCADO DE QUIROGA BALLESTEROS**
**a) POSTOS FIXOS:**

Por m <sup>2</sup> e mes:	13,18 €
---------------------------	---------

Pola reserva de mesas ou mostradores, ó mes 12,62 € e ó día 1,50 €.

**b) CÁMARAS FRIGORÍFICAS:**

Por m <sup>2</sup> e mes:	4,48 €
---------------------------	--------

**c) ALMACÉNS:**

Por m <sup>2</sup> e mes:	2,40 €
---------------------------	--------

**d) AUTORIZACIÓN PROVISIONAL DE USO ALMACÉNS OU CÁMARAS:**

Pola autorización de uso provisional de almacéns ou cámaras a cota será igual á disposta no parágrafo b) e c).

**e) USO DE ESPAZOS PÚBLICOS DE PRAZA DE ABASTOS E MERCADO PARA ACTIVIDADES:**

Por día de ocupación:	125,00 €
-----------------------	----------

**f) POSTOS DO MERCADO TRADICIONAL:**

Por m <sup>2</sup> e día:	1,00 €
Mercado especial das flores e de Nadal, por pedra ou m <sup>2</sup> e día:	5,15 €

No caso de que se autoricen obras de peche para algún posto, dende o momento en que estas obras se realicen, pasarán a tributar o mesmo que aqueles postos pechados que teñan as súas mesmas características”.

#### **ARTIGO 4º. DEVENGO**

1. Cando se trate de postos fixos, ou de ocupación temporal ou provisional, as taxas devengarase por períodos mensuais e serán irreductibles.
2. Para os postos do mercado tradicional con dereito a reserva o devengo será diario.
3. A taxa pola entrada de camiións devengarase diariamente”.

#### **ARTIGO 5º. PROCEDEMENTO DE PAGAMENTO**

1. Os importes mensuais por canon da concesión de postos fixos e de almacéns en sotos terán que ser satisfeitos dentro do mes que se liquida.
2. As cantidades resultantes das liquidacións practicadas serán ingresadas a través das entidades financeiras que o Concello determine.

#### **ARTIGO 6º.**

O incumprimento do pagamento das cantidades liquidadas polo canon de referencia durante tres meses, poderá dar lugar á revocación da concesión, previo expediente tramitado ao efecto. Esta situación implicará a perda de todos os dereitos derivados da concesión, e satisfarán o descuberto a conta do depósito a que se refire o artigo seguinte.

#### **ARTIGO 7º. GARANTÍAS**

Para responder do pago puntual do canon mensual da concesión, o titular desta deberá constituír na Tesourería municipal un depósito en metálico de contía equivalente a tres mensualidades, incrementada nun 10%.

#### **ARTIGO 8º.**

A devolución dos depósitos, cando proceda, efectuarase a petición do interesado, tralo informe do funcionario encargado da praza ou mercado, con proposta do Servizo de Facenda Local, e resolución da Alcaldía.

#### **ARTIGO 9º. DAS CONCESIÓN ADMINISTRATIVAS**

1. Correspóndelle ó Excmo. Concello de Lugo, a cesión da explotación dos postos fixos a particulares, mediante a fórmula de concesión administrativa.
2. Os postos fixos determínanse do seguinte xeito:

a) PRAZA DE ABASTOS: postos pechados, postos abertos e almacéns de sotos.

b) MERCADO DE QUIROGA L. BALLESTEROS: postos interiores e postos exteriores.

#### **ARTIGO 10º.**

As taxas previstas na presente Ordenanza fiscal non inclúen os gastos derivados da realización das obras de reforma e adaptación para o desenvolvemento da actividade específica a desenvolver nin os gastos derivados da alta e subministro dos diferentes servizos nos seus postos (auga, luz, etc.).

#### **ARTIGO 11º.**

1. Os concesionarios poderán propoñerlle ó Concello o cambio de titularidade da concesión por actos “inter vivos”, sempre dentro das condicións do contrato de concesión administrativa. A Administración municipal terá a liberdade para acceder ou non á devandita solicitude no caso de cambio de actividade.

2. Non poderán ser beneficiarios de traspasos aquelas persoas que, malia teren sido titulares ou concesionarios de postos, perderan os seus dereitos por sancións.

3. En caso de traspaso, o novo titular terá que satisfacer, por unha vez, unha cantidade equivalente a un ano do canon establecido para o dito posto. En calquera caso, outorgarase a oportuna autorización, na que se fará constar que o prazo será o mesmo que o establecido para a primeira concesión na que se subroga o novo titular, ou das súas prórrogas. Así mesmo, o novo titular constituirá o depósito correspondente sinalado na ordenanza fiscal vixente.

Non se procederá á autorización do traspaso se o anterior titular non está ó corrente dos pagos do canon concesionario.

#### **ARTIGO 12º. EXENCIONS**

Quedarán exentas do aboamento da taxa prevista no punto 2.g) do artigo 1º da presente Ordenanza fiscal, as asociacións sen ánimo de lucro inscritas no Rexistro Municipal de Asociacións, así como as persoas concesionarias de posto de venda na Praza de Abastos e Mercado Municipal.

#### **ARTIGO 13º. AUTOLIQUIDACIÓN**

**As taxas previstas no punto 2.g) do artigo 1º da presente Ordenanza fiscal serán satisfeitas a través de autoliquidación, de acordo coa tarifa establecida no artigo 3º**

##### **DISPOSICIÓN COMPLEMENTARIA**

1. Para o non previsto expresamente neste texto será de aplicación directa a regulación contida nos artigos 20 a 27 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, e as demais normas concordantes de réxime local, especialmente as relativas a contratación, bens e servizos das entidades locais.

Subsidiariamente, a lexislación estatal sobre contratación, e os artigos 6 a 23 da Lei 8/1989, de taxas e prezos públicos, así como os preceptos concordantes da Lei xeral tributaria e da Lei xeral presupostaria.

2. Especialmente terase en conta a aplicación directa dos preceptos da Ordenanza fiscal xeral e as normas do Regulamento do servizo de mercados aprobado polo Excmo. Concello Pleno.

3. Os contratos particulares de concesión subscritos para os postos rehabilitados da praza de Abastos e mercado de Quiroga Ballesteros, aplicaranse con carácter preferente.

### DISPOSICIÓN FINAL

A presente ordenanza entrará en vigor o día da súa publicación no Boletín Oficial da Provincia, comezará a aplicarse ese mesmo día e permanecerá en vigor ata a súa modificación ou derogación expresa<sup>16</sup>.

---

<sup>16</sup> O texto da ordenanza transcrita, é o da súa redacción vixente, integrada coas modificacións aprobadas polo Concello Pleno mediante acordo de data 14 de novembro de 2016, para rexer a partir do 6 de marzo de 2017 (Boletín Oficial da Provincia de Lugo núm. 53 do 6/03/2017).

O texto da ordenanza transcrita, é o da súa redacción vixente, integrada coas modificacións aprobadas polo Concello Pleno mediante acordo de data 24 de febreiro de 2022, para rexer a partir do 18 de maio de 2022 (Boletín Oficial da Provincia de Lugo núm. 112 do 18/05/2022).